



UWALEMBELE NI WATSON GOODMAN

Ni Ne Ani Ukuti

IMFUMU

**Ifwe Mwi Punda
Lyandi?**

KA BUPE—
TE KA KUSHITISHA

NI NE ANI?

Kabumba wesu alitwishiba bwino ifyo twaba. Kabili fyonse fyalondololwa bwino mwi SHIWI lyakwe ilya pe na pe. E mo tusanga ubulondoloshi ubwa mibumbilwe yesu, ifyo twayalwike, no ko uko kwaluka kuletullosa. E mo tusanga kabili ifyo twingaba ilyo twapokelela ubupususho hwa kwa Lesa.

Bamo tabaishiba ukupususha kwa kwa Lesa. Bamo bakwishiba fye panono, e co balingile ukufwaisha mu Cebo ca kwa Lesa ne mitima yonse pa kuti beshibishe. Bambi balatālika ilyo Lesa alefwayo kubapususha. Bambi bene bapokelelo bupususho bwa kwa Lesa na maboko yabili, ne lintu bapusuka basango kuti muli Yesu Kristu nabasanguka abantu abo Lesa abikila ifintu ifikalamba nga nshi ifikesamoneka ku ntanshi.

Umweo wandi ukalingana fye no mo ningalekela Kabumba ukuti aupekanishishe umwine. Fyonse nga kumukāna ninshi lyene kwisaba ica fye muli bupenape; nangu nga kumupokelela no busumino bwa cishinka no bunakilo, ninshi e kumuleka ukuti anenge ukuba umo wa muli Nabwinda wa kwa Kristu no kuteka pamo nankwe umuyayaya. —Watson Goodman (1920-2002)

UBUPEKANYO BWINE BWINE UBWA KWA LESA 1 PA KULENGA UMUNTU

Akakwata Nabwinda umuyayaya

. . . Ifyo shibwinda asekelela pali nabwinda, e fyo Lesa obe aka-sekelela pali iwe. — Esaya 62.5b

E lya ubufumu bwa mu mūlu bukapashaniwa ku bakashana ikumi, ababūlile inyali shabo, no kufumina ku kuyakumanya shibwinda. . . Lelo ubushiku pa kati kwali imbila, iya kuti, Moneni, shibwinda! Fumineni ku kumukumanya. — Mateo 25.1 na 6

Kristu e Shibwinda

Yohane 3.29a

Uuli na nabwinda e shibwinda; lelo cibusu wa kwa shibwinda uwaiminina no kumfwa, aseke-

lela apakalamba pa mulandu we shiwi lya kwa shibwinda. . . .

2 Korinti 11.2

Ala, shipikisheni kuli ine, pantu imufubilo bufuba bwa bulesa; pantu namulengele ukukobelwa kuli Kristu, ukuti nkamupēle ku mulume umo ngo ushatala opwa uwa musangwela.

Mateo 9.15

Yesu atile kuli bene, Bushe abana baume ba mwa shibwinda bengalōsha inshita shibwinda ali pamo na bo? Lelo inshiku shikesa ilyo shibwinda akasendwa pali bene, lyene bakaleko kulya.

UYU E MULANDU WINE LESA ALENGELE UMUNTU MU CIPASHO CAKWE

Uwasalwa ukukuma kuli Lesa

. . . ukuti muli ifyo e mo mu-
fulumukile ukufuma mu kubola
kwa mu lunkumbwa ululi
pano isonde. . . (2 Petro 1.4b).
. . . kabili ne wakumako ku bukata
ubukasokololwa (1 Petro 5.1b).
. . . kabili abakumako pamo na
ifwe ku cilayo muli Kristu Yesu
(Efese 3.6b). . . . uwatuwami-
she ukuba abakumako ku bupya-
ni bwa bashila ba mu lubuto
(Kolose 1.12b). . . . lelo babombe
ukucishapo, pa kuti bantu
abatetekela kabili abatemwikwa
(1 Timote 6.2b). . . . ku kutulenga

tukumeko ku mushilo wakwe
(Abehebere 12.10b).

*Takuli icibumbwa cimbi
icingalinga ukuba Nabwinga
wakwe*

Kabili Lesa alengele umuntu
mu cata cakwe, mu cata ca kwa
Lesa e mo amulengele; umwa-
ume no mwanakashi e fyo abale-
ngele. —Ukutendeka 1.27

Nge fyo atusalile muli wene
ilyo pano isonde pali tapalale-
ngwa, ukuti tube aba mushilo
kabili ababula akalema ku cinso
cakwe. — Efese 1.4

Ukutendeka 9.6b

. . . Pantu mu cata ca kwa Lesa e mo acitile umuntu.

Imilimo 17.24a, 25b, 26a, 27-29

Lesa uwalenga pano isonde na fyonse ifilipo. . . apo umwine e upēla bonse umweo, no kupema, na fyonse. Kabili alengele kuli umo inko shonse sha bantunse ku kwikala pano nse ponse. . . Ku kuleka shifwaye Lesa, kuumfwa nalimo shingapampanta no kumusanga. Lelo na cine taba kutali kuli ifwe bonse; pantu muli wene e mo tumweno mweo, no kusunkana, no kuba; ifyo basosa na bamo ba bakashika wenu ba nyimbo, abati, Pantu na ifwe tuli

bufyashi bwakwe. Kwena, apo tuli bufyashi bwa kwa Lesa, tatufwile ukutila Lesa apalana na gode nangu ni silfere nangu libwe.

Adamu, uwali mu cipasho ca kwa Lesa, ali no bukata bumo ukufuma kuli Lesa

1 Ishamfumu 8.11

Na bashimapepo bafililwe ukwimininamo ku kupyunga, pa mulandu we kumbi; pantu ubukata bwa kwa Yehoba bwaiswilemo mu ganda ya kwa Yehoba.

Mateo 17.1a, 2

Yesu. . . ayalwike pa cinso cabo, icinso cakwe cabalike nga 'kasuba, na 'malaya yakwe yali ayabengeshima ngo lubūto.

UKUFUMA KU MUSHILO UKUYA KU LUBEMBU NE MFIFI

*Ukulengwa nga Lesa, uuli
Uwa Mushilo*

Pantu calembwa, aciti, Beni
aba mushilo; pa kuti ine ndi wa
mushilo. — 1 Petro 1.16

*Bucintomfwa bwaletete
ukupatula*

Pantu ifyo bucintomfwa bwa
muntu umo bwalengele aba ci-
nabwingi babe ababembu, e fyo
ne cumfwila ca umo cikalenga
aba cinabwingi ukuba abalunga-
ma. — Roma 5.19

Pantu bonse nababembuka, ka-
bili bapelebela ku bukata bwa
kwa Lesa. — Roma 3.23

*Ababepwa kabili ababembu
Yeremia 17.9*

Umutima wa kufutika ukucile
fintu fyonse, kabili walilwalisha;
n' ani engawishiba?

Luka 13.27b

Ndetila kuli imwe, Nshiishibe
uko mufumine imwe; fumeni apa,
bonse mwe bakacita wa fibi.

*Umuntu aliluba mu mfifi
Yohane 3.19*

No bu e bupingushi, ubwa kuti
ulubūto lwaisa pano isonde, na
'bantu batemenwe imfifi ukucila
ifyo batemenwe ulubūto; pantu
imilimo yabo ya bubifi.

*Ubuntunse ubwa fye buntu
bwakowela*

Esaya 64.6a

**Bonse twaba ngo wakowela, no
bulungami bwesu nge laya lya
citatilo. . . .**

Imfwa ya muyayaya ili pali ine
Roma 5.12

**E ico filya ulubembu lwaingi
lile mu muntu umo pano isonde,
ne mfwa yaingilile mu lubembu;
e fyo ne mfwa yayambukile ku
bantu bonse, pantu bonse balibe-
mbwike.**

Ulubembu lunteka ubusha
Roma 7.23

**Lelo namone mbela imbi mu
filundwa fyandi iilelwa ne mbela**

**ya mutima wandi no kuntwala
bunkole ku mbela ya lubembu iili
mu filundwa fyandi.**

Nalishininwa

Roma 5.18a

**E ico, ifyo ukupuluka kwa
umo kwaletele ukusekwa ku ban-
tu bonse. . . .**

Ulubembu lupatula kuli Lesa

Esaya 59.2a

**Lelo amampulu yenu e yapā-
tulanya pa kati ka imwe na Lesa
wenu. . . .**

Lesa akandubulwisha

Roma 14.12

**Awe, ifwe bonse umo umo tu-
kalubulula kuli Lesa.**

*Mu buntunse ubwawa naba fye
nge Bumba, Icani, Umupu*

**Lelo kweni ni 'mwe bashifwe,
mwe Yehoba, bonse tuli mulimo
wa minwe yenu; ifwe tuli ibu-
mba, na imwe muli mubumfi.**

—Esaya 64.8

**Ubuntunse bonse bwaba nge
cani, no bukata bwa buko bonse
nge luba lya cani: icani ciloma
ne luba lilalukuta.**

—1 Petro 1.24

**Mwe bashaishiba cintu cimo
ica mailo. Pantu ni shani umweo
wenu? Muli fye fubefube uumo-
neka akashita kanono, no kwan-
duluka apo pene. — Yakobo 4.14**

*Kuti nakwata ukushibola kabili
umweo wa muyayaya muli Kristu*

Yohane 11:26

**Na onse uuli no mweo kabili
antetekela, takafwe umuyayaya.**

1 Yohane 5.10, 11

**Uutetekelo Mwana wa kwa
Lesi akwete ubu bunte mu nda
yakwe; uushitetekela Lesi namu-
lengo wa bufi, ico tatetekelo
bunte ubo Lesi ashimike Mwane.
Kabili ubunte ni ubu, ubwa kuti
Lesi atupēle umweo wa muya-
yaya, no mweo uyu uli muli
Mwane.**

1 Timote 6.14b, 15b, 16

. . . Ukufika pa kumoneka kwa kwa Shikulwifwe Yesu Kristu. . . Uwa maka uwe shuko eka, Imfumu ya shamfumu, kabili Shikulu wa bashikulu; uo eka aba no kukanafwa, uwaikala mu lubūto ulushingapalamwako; uo umuntu-nse nangu umo tamumona, na kabili te kuti amumone. Kuli wene kube umucinshi na 'maka umuyayaya. Amene.

Amalumbo 24.7-10

Sumbuleni imitwe yenu, mwe mpongolo, musumbuke, mwe mīnshi ya muyayaya; no kuleka iingile Imfumu ya bukata. N' ani

iyi Mfumu ya bukata? Yehoba uwakosa kabili uwa bulamba, Yehoba wa bulamba ku bulwi. Sumbuleni imitwe yenu, mwe mpongolo, musumbuke, mwe mīnshi ya muyayaya; no kuleka iingile Imfumu ya bukata. N' ani iyi Mfumu ya bukata? Yehoba, Lesa wa milalo, wene e Mfumu ya bukata.

*Iyi mfumu lkaba ni Mfumu ya
pano isondeponse*

Sekaria 14.9

E lyo Yehoba akabe mfumu pano isondeponse; muli ubo bushiku Yehoba akaba umo, ne shina lyakwe limo.

8 YESU KRISTU ABILISHA BUKATEKA BWAKWE

Marko 14.61, 62

Shimapepo mukalamba alimwipwishe kabili, atile kuli wene, Bushe ni 'we Kristu, Umwana wa Wapālwa? Awe Yesu atile, Ni 'ne. Kabili mukamono Mwana wa muntu naikala ku kulyo kwa Maka, no kwisa na 'makumbi ya mu mūlu.

Yohane 18.36, 37

Yesu alyaswike, ati Ubufumu bwandi te bwa pano isonde; abuba bwa pano isonde ubufumu bwandi, bakalume bandi nga bawala ukuti nipālwa ku baYuda. Lelo nomba ubufumu bwandi te bwa pano nse. E ico Pilato atile kuli wene, Kanshi uli mfumu?

Yesu alyaswike, ati, Mwasosa ni 'mwe ukuti ine ndi mfumu. Pali ici e co nafyalilwe, kabili pali ici e co naishīle pano isonde, pa kuti nkeseshimike cine ubunte. Onse uuli uwa bucine omfwe shiwi lyandi.

Mateo 25.31 na 34

Ilyo Umwana wa muntu akesa mu bukata bwakwe, na bamalalika bonse pamo nankwe, e lyo akekala pa cipuna ca bukata bwakwe. . . E lyo Imfumu ikeba aba ku kulyo kwa iko, ikatila, Iseni, mwe bapālwa ba kwa Tata, kwateni ubufumu ubwateyanishiwe imwe ukufuma pa kulengwa kwa pano isonde.

UMUSANGO WA BUFUMU BWA KWA YESU KRISTU

9

Lelo asoselo Mwana, ati, Ici-puna cobe ca bufumu, we Lesa, ca muyayaya umuyayaya, umulumbu wa bufumu bobo mulumbu wa bulungami.

—AbaHebere 1.8

Nomba ine Nebukadnesari ndetasha no kusansabika no kucindike Mfumu ya mu mūlu. . . .

—Daniele 4.37a

Pa kubūtushiwa ku menso ya mitima yenu, ukuti mwishibe ica kucetekela ico amwitilemo, no bucindami bwa bukata bwa bupyani bwakwe mu ba mushilo, no bukalamba ubwacila bwa ma-

ka yakwe kuli ifwe fwe batetekela, amaka ayabombo mwabelo kubomba kwa kukosa kwa maka.

—Efese 1.18, 19

Ndemwebe cine cine, nati, nga tamupilibwike, no kuba ngo twana, tamwakengile nakalya mu bufumu bwa mu mūlu. E ico onse uuleipetamika no kuba nga aka kaice, wene e mukalamba mu bufumu bwa mu mūlu.

—Mateo 18.3, 4

. . . Ubufumu bwa pe sonde bwaisabo bwa kwa Shikulwifwe, no bwa kwa Kristu wakwe, na o akulabe Mfumu umuyayaya umuyayaya. —Ukusokolola 11.15b

Apo mwamupēle amaka pa bantunse bonse, ukuti apēle umweo wa muyayaya kuli bonse abo mwamupēla. — Yohane 17.2

Uuli ku kwa kulyo kwa kwa Lesa; na o pa kuya mu mūlu, bamalaika, na 'ba lupaka, na 'ba maka balengelwe ukulamba kuli wene. — 1 Petro 3.22

Kristu pa kumubūsha ku bafwa, no kumubika ku kwa kulyo kwakwe mu myulu, pa mūlu wa Bukateka bonse, no Lupaka, na 'Maka, na Bumulopwe, ne Shi-na lyonse ililumbulwa, te mu bwikashi buno fye iyo, lelo na

muli ubo ubukesa; kabili alengele fyonse filambile pa nshi ya makasa yakwe, no kumulengo kubo mutwe wa pa mūlu wa fyonse mu lukuta, ulo e Mubili wakwe, umwisulo wa uleisusha fyonse monse monse. — Efese 1.20-23

Lelo Yesu umwine tabasūbile . . . pantu aishibe umwine icili mu buntu. — Yohane 2.24a, 25b

Ine muli aba, na imwe muli ine, ukuti babe abafikapo muli buumo, ukuleka aba pano isonde beshibe ukuti ni 'mwe mwantumine, kabili mwabatemenwe ifyo mwatemenwe ine. — Yohane 17.23

. . . Umwana wa mpānga uwaipaiwe awamino kupokelela amaka, no bucindami, na 'mano, no kukosa, no mucinshi, no bukata, ne pālo. —Ukusokolola 5.12b

E lyo Yesu aishilesosa kuli bene, ati, Kuli ine kwapēlwa amaka yonse mu mūlu na pano isonde. —Mateo 28.18

Lelo kuli ifwe kwaba Lesa umo fye, Shifwe, ni uyo fyonse fyafuma kuli wene, na ifwe tulola kuli wene. . . .

—1 Korinti 8.6a

Kuli abo abaitwa, abaYuda na

'bena Hela, Kristu maka ya kwa Lesa kabili mano ya kwa Lesa.

—1 Korinti 1.24

Abati, Twatōta kuli imwe, mwe Shikulu Lesa, wa maka yonse uulipo kabili uwalipo; ico mwabūla amaka yenu yakalamba, no kube Mfumu.

—Ukusokolola 11.17

Ndefwayo kuti imitima yabo isansamushiwe, babe abakuminianiwa mu kutemwa, no kufika ku bucindami bonse bwa mwisulo wa kukutuluka ku kwishibe ca nkama ca kwa Lesa, ico ni Kristu wine, muli uyo mwafiswa ifyuma fyonse ifya mano ne fya kwishiba. —Kolose 2.2, 3

Amalumbo 72.8 na 11

Leken i be no bufumu ukutula kuli bamba no kufika kuli bamba, kabili ukutula ku Mumana no kufika ku mpela sha calo. . . . Awe lekeni shitōte kuli yene i-shamfumu shonse; inko shonse shiibombe.

Amalumbo 2.2-4 na 6-8

Imfumu sha pano isonde shai-bikako, na 'bakankāla batekela akabungwe pali Yehoba na pa wasubwa wakwe, abati, Tuputaule ififungilo fyabo, tupōse tufumye pali ifwe ne myando yabo. Uwai-kala mu mūlu aseka, Shikulu abapumya . . . ati, Lelo ine ninsansabike mfumu yandi pa Sio-

ne, ulupili lwandi lwa mushilo. Leka nondolole ulwa cipope: Yehoba atile kuli ine, Ni 'we mwana wandi umwaume, ubwa lelo ninkufyala; lomba, na ine ndekupēle nko e cikwatwa cobe, ne mpela sha pano isonde e camanimwa cobe.

Yeremia 10.7 na 10a

N' ani uushingamutina, mwe Mfumu ya nko? pantu akatina kaliyana kuli imwe; pantu mu ba mano bonse ba nko, na mu mabufumu yonse ya shiko, tamuli uwaba nga imwe. . . . Lelo Yehoba Lesa wene e Lesa wa cishinka, wene e Lesa wa mweo, e Mfumu ya muyayaya. . . .

Esaya 42.8

Ine ndi Yehoba, e shina Iyandi; no bukata bwandi nshibupēla kuli umbi, nangu ukutashiwa kwandi ku fimpashanya.

Mateo 24.30

E Iyo kukamoneka ne cīshibilo ca Mwana wa muntu mu mūlu; e Iyo ne nko shonse sha pano isonde shikapumapo imisowa, no kumono Mwana wa muntu aleisa pa makumbi ya mu mūlu na 'maka yakalamba no bukata.

Ukusokolola 4.11

Mwaliwamina, mwe Shikulwifwe Lesa wesu, ukupokelelo bukata no mucinshi na 'maka; pantu ni 'mwe mwalengele ifintu

fyonse: kabili mulandu wa kufwaya kwenu fyabeleleko no kulengwa.

Amalumbo 95.3

Pantu Yehoba ni Lesa mukulu, kabili ni Mfumu nkulu nkucila pa milungu yonse.

1 Timote 1.17

Awe, ku Mfumu ya muyayaya, iishifwa, iishimoneka, iyaba Lesa eka, kube umucinshi no bukata umuyayaya umuyayaya. Amene.

Alaakanyako Nabwinda ubukata bwakwe

Na ine nabapēlo bukata ubo mwampēle, ukuti babe bamo ifyo twaba bamo. — Yohane 17.22

Esaya 9.7a

Ku kukula kwa bukateka bwa-kwe, na ku mutende, takwakabe mpela. . . .

Esaya 45.9a, 10-13a

Kalanda ku uumana na Kabumba wakwe — . . . Kalanda ku usosa kuli wishi, ati, Cinshi ulefyala? napamo kuli nyina, Cinshi ulepāpa? E fyo asosa Yehoba, Wa mushilo wa kwa Israele, kabili Kabumba wakwe, aleti: Bushe ifikesa e fyo mulenjipushisha? Bushe mulempēle funde pa mulimo wa maboko yandi? Ine ne wacitile icalo, ne walengelepo na 'bantunse; ne o iminwe yandi yayanshile imyulu,

no mulalo onse wa iko napēleko ifunde. Ni 'ne nabūshishe Kore-she mu bulungami, ne nshila shakwe shonse nkashitambalika.

Daniele 7.14

E lyo apalamikwa pali wene, no kupēlwo kuteka, no bukata, no bufumu, ukuti abantu na 'bantu bonse, na 'bantu ba nko, ne ndimi, bamupyungile; ukuteka kwakwe kuteka kwa muyayaya, ukushakapite, no bufumu bwa-kwe tabwakonaulwe.

Nakileni kwi funde lyakwe

Awe lekeni shitōte kuli yene ishamfumu shonse; inko shonse shiibombe. — Amalumbo 72.11

Pa kuti na Kristu pamo aculile imembu umuku umo, uwalungama aculile pa mulandu wa bashalungama, ukuti atupalamike kuli Lesa; ku mubili wena aliipaiwe, lelo ku mupashi acitilwe uwa mweo. — 1 Petro 3.18

. . . Na Shikulu Yesu Kristu, uwaipēle pa mulandu wa membu shesu, ukuti atupokolole ku bwikashi bwa bubifi ubulipo nomba, umwabelo kufwaya kwa kwa Lesa kabili Shifwe. — Galatia 1.3b, 4

1 Yohane 3.16a

Muli ici e mo twaishibilo kitemwa, ica kuti Wene atutūlile umweo wakwe. . . .

1 Korinti 1:18

Pantu icebo ca capindama buwelewele ku baleonaika; lelo maka ya kwa Lesa kuli ifwe fwe balepusushiwa.

Incende iyalandilwe kabelo no musango wa mfwa no kututubuka

Mateo 20.18, 19

Moneni, tulenina ku Yerusalemu, no Mwana wa muntu akafutukilwa kuli bashimapepo bakalamba na bakalemba; na bo bakamupingwilo kufwa, no kumupēla ku Bena fyalo ku kumupumya no kumufopaula no kumutanika; na pa bushiku ubwalenga shitatu akabūshiwa.

16 UMULOPA USUMA — KALUBULA MUSUMA

Lelo nomba, muli Kristu Yesu,
mwe bali ukutali kale, namupa-
lamikilwa mu mulopa wa kwa
Kristu. — Efese 2.13

AbaHebere 10.19, 20a

E ico, mwe ba bwananyina, pa
kuba no kupama ku kwingilila
Umwashila mu mulopa wa kwa
Yesu, mu nshila ipya kabili iya
mweo iyo atwiswilile. . . .

Kolose 1.20a

Muli wene ukuwikishisha ku
Mwine ifintu fyonse. . . .

Ukusokolola 1.5b

. . . Ku watutemwa, uwatu-
kakwilile na mu membu shesu ku
mulopa wakwe.

1 Petro 2.6b, 7a

. . . Moneni nabika mu Sione
ilibwe, ilya ku cifutu, ilyasalwa,
ilya mucinshi: no utetekela wene
takalengwe nsoni. E ico kuli i-
mwe mwe batetekela alifina. . . .

2 Timote 3.15

No kuti ukufuma ku bwaice
waishibe amalembo ya mushilo
ayaba na 'maka ya kukulengo wa
mano ayalosha ku kupusuka mu
kutetekela Kristu Yesu.

*Shibwinga afwaya Nabwinga
wakwe*

Pantu Umwana wa muntu
aishile ku kufwaya no kupususha
abaluba. — Luka 19.10

KRISTU ACIMFISHE IMFWA YA CIBILI NA 17 KU MBO PAKUTI ANDUBULE UKUMFUMYA MULI FYENE

Nalingwa imfwa ya muyayaya
Esekiele 18.4b

. . . Umuntu uubembuka e ukafwa.

Roma 5.12

E ico filya ulubembu lwaingilile mu muntu umo pano isonde, ne mfwa yaingilile mu lubembu; e fyo ne mfwa yayambukile ku bantu bonse, pantu bonse balibembwike.

Balincimfishako imfwa

2 Timote 1.8-10

E ico wiba na nsoni ukushimika Shikulwifwe ubunte, nangu

kuli ine ne mufungwa wakwe; lelo culile mbila nsuma pamo na ine, umwabela amaka ya kwa Lesa, uwatupuswishe no kutwita ubwite ubwashila, te muntu mwabele milimo yesu lelo umwabelo kupanga kwakwe kwine, no kusenamina uko atupēle muli Kristu Yesu inshita sha muyayaya ishakitapo, ukusokolwelwa nomba mu kumoneka kwa Mupusushi wesu Yesu Kristu, uwafubalishe mfwa, no kuletela mu lubuto umweo no kukanafwa mu mbila nsuma.

18 IMFUMU ILAPĒLA IPUSUKILO ILYA BUPE KULI BONSE ABALELIFWAYA NO MUTIMA ONSE

1 Korinti 15.3b

. . . Kristu afwilile imembu
shesu umwabela amalembo; ka-
bili ukuti alishikilwe.

Imilimo 20.28b

. . . Akucemeni ulukuta lwa
kwa Shikulu ulo anonkēle mu
mulopa wakwe wine.

Ni'ne mucemi musuma; umu-
cemi musuma atūlile mpānga u-
mweo wakwe. — Yohane 10.11

2 Korinti 5.15

Kabili afwilile bonse ukuti a-
bali no mweo beikalila abene,
lelo bekalile uwabafwilile no ku-
būka pa mulandu wabo.

Imilimo 10.43

E o bakasesema bonse bashi-
mika, abati, onse uumutetekela
akamweno kulekelelwe membu
mwi shina lyakwe.

2 Petro 3.9

Shikulu talafyalafya ku kufi-
she co alaile, filya bamo batungo
kulafyalafya; lelo atekanya kuli
imwe pa kukanafwayo muntu u-
konaika, lelo onse ukulola ku
kulapila.

Yeremia 29.13

Nga mwamfwaya, mukansa-
nga; ilyo mukamfwaya imitima
yenu yonse.

Amalumbo 45.6, 7a

**We Lesa, icipuna cobe ca bu-
fumu ca muyayaya umuyayaya;
umulumbu wa bufumu bobe, mu-
lumbu wa bulungami. Watemwo
bulungami, no kupato bubifi. . . .**

1 Korinti 6.9a

**Yangu! bushe tamwaishibo ku-
ti abashalungama tabakapyane u-
bufumu bwa kwa Lesa? . . .**

Roma 8.5-9

**Pantu ababo musango wa bu-
mubili baangwe fya mubili, na
'babo musango wa buMupashi
baangwe fya Mupashi. Pantu u-
kwangwo mubili ni mfwa, no
kwangwo Mupashi mweo no mu-**

**tende. Pantu umutima uwangwa
bumubili bulwani kuli Lesa; tau-
cimba ku mbela ya kwa Lesa, ka-
bili tawingacimbako iyo. Abali
muli bumubili tabengatemuna Le-
sa iyo. Lelo imwe tamuli bumu-
bili, awe muli mu Mupashi, nga
cine cine Umupashi wa kwa Lesa
waikala muli imwe. Umuntu nga
abulwo Mupashi wa kwa Kristu,
wene te mwina mwakwe iyo.**

Yakobo 4.4

**Mwe banakashi bacende, bushe
tamwaishibo kuti ukuba na buci-
busa ne calo bulwani kuli Lesa?
E ico uyo afwayo kuba bucibusa
ne calo aicito mulwani kuli Lesa.**

Amapinda 28.13

Uufimba pa fya bupulumushi
fyakwe takashuke; lelo uufitu-
mbula no kufileka akacitwe nku-
mbu.

1 Yohane 4.16

Kabili ifwe natwishiba, no ku-
tetekelako, ukutemwa uko Lesa
atutemwa. Lesa kutemwa; no wai-
kala mu kutemwa aikala muli Le-
sa, na Lesa muli wene.

Yohane 1.12a

Lelo abo bene abamusekelele,
abatetekele ishina lyakwe....

Yohane 13.20b

. . . Kabili uwapokelela ine,
ninshi apokelela uwantumine.

Imilimo 8.36, 37a

Awe pa kuye fi, bafikile pa
menshi; na mutungwi atile, Mo-
na, amenshi! Cinshi cilendesha
ukubatishiwa? (Na o Filipi atile,
Nga watetekela umutima obe o-
nse, calisuminishiwa....

1 Korinti 2.5

Ukuti icitetekelo cenu ciba mu
mano ya buntunse, kano mu ma-
ka ya kwa Lesa.

Yohane 8.31

E ico Yesu atile ku baYuda
abatetekele, Nga imwe mwaika-
lilila mu cebo candi, muli ba-
sambi bandi cine cine.

IPUSUKILO KWIKATANA NA KRISTU MU MWEO WAKWE

21

Efese 3.19

Kabili ukwishibo kutemwa kwa kwa Kristu ukwapesha amano, ukuti mwisulemo umwisulo onse wa kwa Lesa.

Roma 8.10

Awe nga Kristu aba muli imwe, umubili wena cintu cafwa pa mulandu wa lubembu; lelo umupashi wa mweo pa mulandu wa bulungami.

Yohane 10.26-28

Lelo tamutetekela, pantu tamuli ba mu mpānga shandi. Impānga shandi shumfwe shiwi lyandi, na ine nalishiishiba, na sho shilankonka; na ine mpēla

kuli shene umweo wa muyaya-ya; kabili tashakonaike nakalya umuyayaya, kabili nangu umo takashisompole mu minwe yandi.

2 Timote 1.12

Ni pa mulandu uyu nculila ne fi fintu. Lelo, nshili na nsoni; pantu naishiba uo natetekelako, kabili nasūbilo kuti wa maka ukulinde co nasēkeshe kuli wene ukufika na kuli bulya Bushiku.

1 Petro 4.19

E ico na 'bacula umwabelo kufwaya kwa kwa Lesa batūle imitima yabo kuli wene, kuli Kalenga wa cishinka, mu kucite cisuma.

22 UKUFYALWA CIPYA CIPYA KUKAKULWA UKUTI MOMBELE SHIKULU

1 Yohane 5.5

**Kabili uucimfya pano isonde
n' ani, kano uutetekelo kuti Yesu
Mwana wa kwa Lesa?**

Yohane 1.13

**Abafyelwe, te ku mulopa, na-
ngu ni ku kufwaya kwa mubili,
nangu ku kufwaya kwa mwaume,
lelo kuli Lesa.**

Roma 6.18 na 22

**Lelo pa kulubulwa ku lube-
mbu, mwaba abasha ba bulunga-
mi. . . Pantu impela ya filya fin-
tu ni mfwa. Lelo nomba pa kulu-
bulwa ku lubembu, na pa kuba
abasha ba kwa Lesa, muli ne fi-**

**sabo fyenu ifilola ku mushilo, ne
mpela mweo wa muyayaya.**

**Kabili mukeshibe cine, ne cine
cikamulenga abantungwa.**

—Yohane 8.32

**E ico ngo Mwana amulenga a-
bantungwa, mukaba abantungwa
cine cine.**

— Yohane 8.36

**Buntungwa e co Kristu atulub-
wilile; e ico shangileni, no kwika-
twamo kabili mwi koli lya busha
iyo.**

— Galatia 5.1

**Ico ukambele nte ku bantu
bonse iya kushimike fyo wamo-
na no kuumfwa. —Imilimo 22.15**

NAFYALWA CIPYA CIPYA! NOMBA NI NE ANI? 23

Ukusokolola 1.5b, 6a

... Ku watutemwa, uwatuka-kwilile na mu membu shesu ku mulopa wakwe, no kutusangulo bufumu bwa bashimapepo kuli Lesa wakwe kabili Wishi. . . .

Esaya 62.3

Ukabe cilogwe icayemba mu kuboko kwa kwa Yehoba, icitebo ca bufumu mu minwe ya kwa Lesa obe.

1 Korinti 6.9-11

Yangu! bushe tamwaishibo kuti abashalungama tabakapyane ubufumu bwa kwa Lesa? Mwitumpi-kwa; nangu ba bulalelale, nangu abapepo tulubi, nangu bacende,

nangu ababembuka na 'baume banabo, nangu bapupu, nangu ba lwinso, nangu abakolwo bwalwa, nangu ba nsele, nangu fipondo, tabakapyane ubufumu bwa kwa Lesa. Kabili imwe bamo e fyo mwali; lelo mwalisambilwe, lelo mwalishishiwe, lelo mwalungamikilwe kwi shina lya kwa shikulu Yesu Kristu na mu Mupashi wa kwa Lesa wesu.

Icifulo icacindama

Yohane 17.21a

Ukuti bonse babe bamo; ifyo imwe, mwe Tata, mwaba muli ine na ine muli imwe, e fyo na abo babe muli ifwe. . . .

Amalumbo 145.18

Yehoba ali mupepi kuli bonse abalilila kuli wene, kuli bonse abalilila kuli wene mu cishinka.

2 Korinti 6.16

Kabili kuli ukusuminishanya nshi kwi tempele lya kwa Lesa no tulubi? Pantu ifwe tuli itempele lya kwa Lesa wa mweo; filya Lesa asosele, ati, Nkekala muli bene no kwendaendamo; kabili nkaba Lesa wabo, na bo bakaba abantu bandi.

1 Petro 4.13

Lelo ifyo mukumako ku miculile ya kwa Kristu, sekeleleni; ukuti na mu kusokololwa kwa

bukata bwakwe, mukasekelele no kwanga.

1 Yohane 1.3b

. . . Kabili isenge tuli na lyo lili pamo na Wishi, kabili pamo no Mwana wakwe Yesu Kristu.

Esaya 43.2

Ilyo uleabuka amenshi nkaba na iwe, imimana tayakakwibishe; ilyo uleya mu mulilo, tawakapye, no lubingu talwakakoce.

Yohane 17.23

Ine muli aba, na imwe muli ine, ukuti babe abafikapo muli buumo, ukuleka aba pano isonde beshibe ukuti ni 'mwe mwantumine, kabili mwabatemenwe ifyo mwatemenwe ine.

UBWIKATANO PA KATI KA KWA KRISTU NA 25 BACETEKELA BA CINE

Muli bulya bushiku imwe mukeshibo kuti ine ndi muli Tata, na imwe muli ine, na ine muli imwe. —Yohane 14.20

*Ifunde lyakwe ilya kulekelesha
ca kusakamana cesu ica ntanshi*

Umupashi na Nabwinga batila, Iseni: no uleumfwa asose, ati Iseni. . . . —Ukusokolola 22.17a

E ico kabiyeeni, kalengeni aba nko shonse ukuba abasambi, mulebabatishisha mwi shina lya kwa Tata ne lya Mwana ne lya Mupashi wa mushilo: mulebasambilisha ukubaka fyonse ifyo na-

mwebele. Kabili, moneni, ine nakulaba na imwe ukufika na pa kupwa kwa nshita. —Mateo 28.19, 20

*Ubulungami bwa bashila
bulungami bwa kwa Kristu
uwikala muli bene*

Abo Lesa atemenwe ukulenga beshibe ubucindami bwa bukata bwa ca nkama ici mu Bena fyalo, e kutila, Kristu muli imwe ica kucetekelako cenu ca bukata. —Kolose 1.27

Pantu Kristu e mpela ya Malango, ni pa kuti onse uutetekela alungamikwe. —Roma 10.4

1 Petro 1.3

Abe uwapālwa Lesa kabili Wishi wa kwa Shikulwifwe Yesu Kristu! Umwabelo luse lwakwe ulwingi atufyalile libili ku kuba no kucetekela kwa mweo mu kubūka kwa kwa Yesu Kristu ku bafwa.

AbaHebere 4.16

E ico tupalamine no kupama ku cipuna ca bufumu ica kusenamina, ukuti tumone uluse no kusango kusenamina ku kutwafwa pa nshita ya kukabila kwesu.

1 Petro 5.10a

Awe Lesa wa kusenamina konse, uwamwitile ku kwisa mu bu-

kata bwakwe bwa muyayaya muli Kristu Yesu. . . .

Efese 2.4-7

Lelo Lesa pa kubo wacindama ku luse, pa mulandu wa kutemwa kwakwe ukwingi uko atuteme-nwe, kabili ifwe pa kuba abafwa mu mampūlu, atulengele aba mweo pamo na Kristu (ni ku kusenamina mwapusukila); kabili atubūshishe pamo na Kristu no kutwikalika pamo nankwe mu myulu muli Kristu Yesu, ukuti akalange mu nshita sha muyayaya ishikesa ubucindami bwa kusenamina kwakwe mu kutubelle congwe muli Kristu Yesu.

Lelo ilyo yafikile inshita, Lesa atumine Umwana wakwe, uwa-fyelwe ku mwanakashi, uwafye-lwe umwina Malango, ukuti alu-bule abena Malango, ukuti tupo-kelele ubwana. —Galatia 4.4, 5

Moneni imitemenwe iyo Shif-we atutemwa, iya kuti twitwe a-bana ba kwa Lesa. . . .

—1 Yohane 3.1a

Impyani sha kwa Lesa

Uwacimfya akakwate fi, kabili nkaba Lesa wakwe, na wene aka-bo mwana wandi.

—Ukusokolola 21.7

Awe ico muli bana, e co Lesa atumine Umupashi wa Mwana

wakwe ku kuba mu mitima yenu, ulebilikisha, auti, Abba, Tata. E ico tauli musha kabili iyo, lelo uli mwana; awe nga uli mwana, ninshi kabili uli mpyani, ukupya-nina muli Lesa. —Galatia 4.6, 7

Kabili nga tuli bana, ninshi tuli impyani, impyani sha kwa Lesa, impyani shinankwe sha kwa Kristu; nga cine cine tulecu-lila pamo nankwe, ukuti no kuci-ndamikwa tukacindamikilwe pa-mo nankwe. —Roma 8.17

Awe imwe nga mwaba aba kwa Kristu, ninshi muli mbuto sha kwa Abrahamu, muli impya-ni umwalole cilayo. —Galatia 3.29

28 LESA ABIKA ICIPASHO CAKWE PA BANA BAKWE

Roma 8.28, 29

Awe twaishibo kuti abatemwa Lesa, abaitwo mwabela ukupanga kwakwe, ifintu fyonse fibombelako capamo ku kuletako ubusuma. Pa kuti abo aishibile libela, no kulinga abalingile libela ukuti bakabe abapalana ne cipasho ca Mwana wakwe, ukuti wene akabe ibeli muli bamunyina abengi.

Bombeni nga Kristu

Luka 22.27b

. . . Lelo ine ndi mu kati ka imwe ngo ulepyungila.

Sabankanyeni Imbila icalo conse

Yohane 20.21

E lyo Yesu atile kuli bene ka-

bili, Umutende ube na imwe! Ifyo Tata atumine ine, e fyo na ine ndetuma imwe.

Beni aba kwelela

Awe Yesu atile, Tata, mubalekelele; pantu tabeshibe ico balecita. . . . — Luka 23.34a

Beni abafuka kabili abanakila

Awe ine wine Paulo ndepāpāta imwe mu kufūka no mutembo ifya kwa Kristu. . . .

—2 Korinti 10.1a

Endeni mu kutemwa kwa kwa Kristu

Ifyo Tata atemwa ine, e fyo na ine natemwa imwe; ikaleni mu kutemwa kwandi. —Yohane 15.9

1 Tesalonika 2.12

Kuti mwende umwawamina kuli Lesa uwamwita mwingile mu bufumu bwakwe na mu bukata bwakwe bwine.

2 Yohane 9

Onse uuleya ku ntanshi no kukaikala mwi sambilisho lya kwa Kristu, takwete Lesa: uwai-kala mwi sambilisho, wene akwete Wishi no Mwana wine.

*Kristu akakwata Nabwina
uushingapokwa kuli Wene*

Luka 6.47, 48

Onse uwisa kuli ine no kuum-fwe fyebo fyandi no kuficita, ndemulanga uyo apala. Apalo muntu kakūla wa nanda uwai-

mbishe no kubike ca kukūlapo pa mwalala; awe pa kwise lyeshi, umumana wapumine pa nanda ilya no kukanaba na 'maka ya kuitensha, pantu yakūlilwe bwi-no.

Yakobo 1.12

Alishuko muntu uushipikisha ku ca kwesha; pa kuti ilyo akaan-sha akapokelele cilongwe ca mweo, icalailwe abo abatemwa Shikulu.

Tito 2.13

Tube abalolele ca kucetekela-ko ice shuko, e kutila, ukumo-neka kwa bukata bwa kwa Lesa mukulu kabili ubwa Mupusushi wesu Yesu Kristu.

Efese 2.8-10

Pantu ni ku kusenamina mwapusukila, pa kutetekela; kabili te cintu cafuma kuli imwe, ca bupe ca kwa Lesa; tacafuma mu mili-mo, pa kuti umuntu tengataki-sha. Pantu tuli cibumbwa ca kwa Lesa, abalengēlwe muli Kristu Yesu ku kubombe milimo isuma, iyo Lesa apekanishishe libela ukuti e mo twende.

Efese 3.20, 21

Nomba ku uli na 'maka ya kucita no kufushako ukucila ifyo tulomba atemwa twelenganya, umwalola amaka yakwe ayabombela muli ifwe, kuli wene kube ubukata mu lukuta na muli Kri-

stu Yesu ku nkulo shonse umuyayaya umuyayaya. Amene.

*Bakalengwa abasuma kabili
abapwililika muli Wene*

Efese 4.13

Tusuke tufike bonse kuli buumo bwa kutetekela na ku kwishi-bo Mwana wa kwa Lesa, ukufika na ku bukalamba, ku mulingo wa mushinku wa mwisulo wa kwa Kristu.

Pa kuti muli Kristu e mwai-kalo mwisulo onse wa buLesu mu mubili; kabili mwaba abaisushiwamo muli wene, uwaba e Mutwe wa Bumulopwe bonse no Lupaka lonse. — Kolose 2.9, 10

INE NDI UMO UWA MULI NABWINGA WA MFUMU 31

*Cinshi Wene, uutotelwa kuli
bamalaika ba munshipendwa,
engatemenwa abantunse abako-
wela kabili abamusangukila?*

Na kabili, pa kwingishe Beli
pano isonde, atila, Na bamalaika
bonse ba kwa Lesa bamupepe.
—AbaHebere 1.6

. . . Uwaleangala pano nse pa
calo cakwe, no kupekela abana
ba bantu. —Amapinda 8.31b

. . . Aba uyo uwabūshiwe ku
bafwa, ukuti tutwale ifisabo fya
kwa Lesa. —Roma 7.4b

Pantu ifyo tuli ne filundwa i-
fingi mu mubili umo, ne filu-
ndwa fyonse tafyaba no mulimo

umo wine; e fyo, nelyo twaba
abengi, tuli mubili umo muli
Kristu, kabili umuntu onse ci-
lundwa ca munankwe.

—Roma 12.4, 5

*Nabwinga apoka umweo
ukufuma kuli Wene*

Uukwete Umwana, akwete u-
mweo: uushikwete Mwana wa
kwa Lesa, takwete mweo.

—1 Yohane 5.12

Ubutemwe Bonse Kuli Nabwinga

Uyo ushacikile Mwane wine,
lelo amupōsēle ifwe bonse, bushe
akaleka shani ukutupēlo bupe i-
fintu fyonse pamo nankwe?

—Roma 8.32

UKWAKANA ICIPUNA CA BUFUMU! BUSHE NA INE?

Ukusokolola 3.21

Uwacimfya, nkamupēlo kwi-
kala na ine pa cipuna candi ca
bufumu, ifyo na ine nacimfishe,
no kwikala pamo na Tata pa ci-
puna cakwe ca bufumu.

*Umusumba wa Mfumu na
Nabwinda*

AbaHebere 11.16

E ico Lesa tali na nsoni kuli
bene, ukwitwa Lesa wabo; pa
kuti abapekanisho musumba.

Ukusokolola 3.12a

Uwacimfya, nkamucito luceshi
mwi tempele lya kwa Lesa wa-
ndi, na o takafumemo kabili na-

kalya, kabili nkalemba pali wene
ishina lya kwa Lesa wandi, ne
shina lya musumba wa kwa Lesa
wandi, Yerusalemu mupya uulei-
ka mu mūlu ukufuma kuli Lesa
wandi. . . .

Ukusokolola 21.2

Kabili namwene Umusumba
wa mushilo, Yerusalemu mupya,
uleika kuli Lesa mu mūlu, na-
upekaniwa nga nabwinda uwapū-
lamikilwo mulume wakwe.

Ukusokolola 22.14

Balishuka abasamba amalaya
yabo, ukuti basuminishiwe ku
muti wa Mweo, na ku kwingila
pa mpongolo mu Musumba.

E ico nga tamwaba aba cishin-
ka kuli mamone uushalungama,
n' ani akasēkesha kuli imwe ifyu-
ma fine fine? — Luka 16.11

Pantu mwaishibo kusenamina
kwa kwa Shikulwifwe Yesu Kri-
stu, ukuti nelyo āli uwacindama
aisangwile umubusu pa mulandu
wenu, ukuti imwe mu bubusu
bwakwe e mo mucindamine.

—2 Korinti 8.9

Umfweni, mwe bamunyinane
batemwikwa; bushe Lesa tasalile
ababusu ba pano isonde ku kuba
abacindama mu citetekelo kabili
impyani sha bufumu ubo alaile
ukupēla abamutemwa?

—Yakobo 2.5

Naishibo kucushiwa kobe, no
bubusu bobe (lelo uli uwa
fyuma).

—Ukusokolola 2.9a

Ubusanso mu fyuma fya calo

Konkomesha aba fyuma mu
bwikashi bwa nomba ukukana-
futumuka, nangu kucetekele fyu-
ma fya mulesha, kano Lesa wa
mweo uutupēleshe fintu fyonse
ifya muilemeno; ubebe ukucite
cisuma, ukuba abacindama ku
milimo isuma, ukuba abape, aba
nkumbu, abaitutilile fyuma fisu-
ma ifya bwikashi ubukesa, ukuti
bekate ku mweo uwabo mweo
wine wine. —1 Timote 6.17-19

34 IFYUMA FYA CINE IFYO NDI NA FYO

Uukasangule mibili yesu iya-sāluka ibe iyapalana no mubili wakwe wa bukata, umwabelo ku-bomba kwa maka yakwe ku ku-lamfisha ne fintu fyonse ku mwi-ne. —Filipi 3.21

Mube abatōtela Shifwe, uwa-tuwamishe ukuba abakumako ku bupyani bwa bashila ba mu lu-būto, uwatupokolwele ku lupaka lwa mfifi, no kutupilibwila mu bufumu bwa Mwana wakwe u-watemwikwa. —Kolose 1.12, 13

Kabinge na nomba ndemuleka kuli Lesa, na ku cebo ca kusena-mina kwakwe, icaba na 'maka

ya kumukūla no kumupēlo bu-pyani mu bashishiwa bonse.

— Imilimo 20.32

Ilyo Kristu, uuli umweo wenu, akamoneka, e lyo na imwe muka-monekela pamo nankwe mu bu-kata. —Kolose 3.4

Ica kuti Abena fyalo ni mpya-ni shinensu, kabili aba mu mu-bili umo na ifwe, kabili abaku-mako pamo na ifwe ku cilayo muli Kristu Yesu. . . Kuli ine, ne munono ku bacepesha pali bonse abashila, kwapēlwe ica ku-senamina ici, ku kuyabila ku Be-na fyalo imbila nsuma ya buci-ndami ubushingakumwako bwa kwa Kristu. —Efese 3.6 na 8

Amalumbo 40.16

Lekeni basekelele no kusamwa muli imwe, bonse abamufwaya; abatemwo kupususha kwenu batile pe, Yehoba alumbaniwe.

Amalumbo 32.11

Samweni muli Yehoba, no kwanga, mwe balungama; kabili auleni, mwe batambalalo mutima bonse.

Filipi 4.4

Sekeleleni pe muli Shikulu; ndetila kabili, Sekeleleni.

Sekaria 9.9a

Angisha, we mwana mwanakashi Sione, welesha, we mwana mwanakashi Yerusalemu. Mona,

imfumu yobe ileisa kuli iwe, iyalungama kabili iya kucimfya.

2 Korinti 4.17

Pantu ubucushi ubwayanguka ubwa kashita akanononono, bulletuteyanishe cintu ca bukata ica-pulishamo ica muyayaya.

Luka 10.20

Lelo mwisamwa muli ici, ica kuti imipashi ilemunakila; lelo samweni ico amashina yenu nayalembwa mu mūlu.

Amalumbo 5.11

Lelo basamwa bonse abōba muli imwe, baaula pe, apo mwa-bacingilila; kabili baangila muli imwe abatemwe shina lyenu.

BUSHE MUKAKĀNA INKUMBU SHAKWE UMUYAYAYA?

AbaHebere 12.25

Sakamaneni ukuti mwikāno kuumfwa uulelanda. Pantu nga tabapuswike balya abakene ukuumfwa uwalebacenjisha uwa pano nse, pali bufi ifwe tatwakapusuke nga twafutukako ku Ulelanda mu mūlu.

Luka 13.24, 25

Awe atile kuli bene, Pilikiteni ukwingila pa mwinshi wa kamfyemfye; ico, ndemweba, nati, abengi bakafwayo kwingila, lelo bakafilwa. Ilyo umwine wa nanda akema aisalako ku mwinshi, kabili mwatendeko kwimini na pa nse, no kukunkunsha ku

cibi, amuti, Mwe Shikulu, twiswileniko; na o akamwasuka, ati, Nshimwishibe uko mufumine.

*Inkumbu nga shakanwa kuti
shasanguke cipyu*

2 Tesalonika 2.10-12

Kabili mu longolo lonse lwa kuulungana ku baleonaika; pantu bakāno kupokelelo kutemwe Cine no kupusukilamo. Kabili pa mulandu wa ici Lesa atumina pali bene ukubomba kwa kuluba, ukubaleko kutetekele ca bufi; ukuti basekwe bonse abashitetekela Cine, lelo babekelwe mu kuulungana.

*Ukwisula no lubembu,
ukushininwa*

Yohane 3.18

**Uumutetekela tapingulwa; u-
ushitetekela napingulwa kale, ico
tatetekele shina Iya Mwana u-
wafyalwa eka wa kwa Lesa.**

AbaHebere 10.26, 27a

**Pantu nga twaba ababembuka
itolo apo twapokelelo kwishibe
Cine, takwashala na kabili ila-
mbo Iya pa membu, lelo kwasha-
la fye ukulolela kwa kulengo
mwenso kwa bupingushi. . . .**

Ukupingulwa ne Shiwi

**Uunsula no kukanapokelele
fyebo fyandi, ali no ulemupingu-**

**la: icebo ico nasosele, e cikamu-
pingula mu bushiku bwa kupele-
lekesha. — Yohane 12.48**

Ukutemwikwa no kufwaikwa

**Muli ici e mwasokolwelwo ku-
temwa kwa kwa Lesa muli ifwe,
mu kuti Lesa natuma Mwane
uwafyalwa eka ukuti ese pano
isonde, ukuti tube no mweo muli
wene. — 1 Yohane 4.9**

**Umupashi na Nabwinga batila,
Iseni: no uleumfwa asose, ati I-
seni; no uleumfwe cilaka ese, u-
ulefwaya abulepo ica bupe ame-
nshi ya Mweo.**

—Ukusokolola 22.17

38 CA KUTUMPA UMUNTU UKUYA KU MULILO

Ca kutumpa umuntu ukuposwa mwi lungu lya mulilo no kucushiwa pe na pe pamo na Satana. Icalinga kuyaikala mu nsansa na Kristu no kuteka nankwe umuyayaya.

Amalumbo 53.1a

Umupumbu mu mutima wakwe atila, Takuli Lesa! . . .

Mateo 7.26, 27

Kabili onse uuleumfwe fyebo fyandi ifi no kukanaficita, akapashaniwa ku muntu uwatumpa uwakulile inanda yakwe pa musensenga: kabili imfula yalilokele, ne lyeshi lyaliishile ne cipupu calipupile no kupuma pa inanda

ilya, kabili yaliwile; no kubongoloka kwa iko kwali kukalamba.

Luka 11.39, 40

Lelo Shikulu atile kuli wene, Kwena imwe, mwe baFarise, musamba ku nse ya lukombo no lunweno; lelo mu nda shenu mwaisula umupusulo no bubifi. Mwe batumpa! Bushe uwalengele ku nse ya fintu, talengele na mu kati?

Yeremia 17.11

Ifyabe nkwale iifukatila amani ayo ishabikile, e fyaba uucite fya bucindami ifishili fya mu bulungami; pa kati ka nshiku shakwe, fyamusha, na ku mpela yakwe akabo mupumbu.

*Uko bonse bakaya abalekana
Imfumu ya Bukata*

AbaHebere 6.8

Lelo, nga yameshe myunga na
bacilasa, ninshi yakānwa cikanga
no kutīpwa; impela ya iko ko-
cewa.

Filipi 3.18b, 19a

. . . Benda nga 'balwani ba ca-
pindama ca kwa Kristu; uboni e
mpela yabo. . .

Mateo 13.41, 42

Umwana wa muntu akatuma
bamalaika bakwe, na bo bakalo-
nganika ukubafumya mu bufumu
bwakwe bonse ababe fya kupun-

wisha, na 'bacito bupulumushi,
no kubapōsa mwi lungu lya mu-
lilo; kulya kukabo kulila no ku-
sumanya ameno.

Ukusokolola 14.11

Ne cushi ca kulunguluka kwa-
bo cilenina umuyayaya umuya-
yaya; kabili tabakwete ukutusha
akasuba no bushiku, abapepe
ciswango ne cimpashanya ca ciko,
na bonse abapokelelo lulembo
lwe shina lya ciko.

*Lesa tafwaya abantunse ukuya
ku mulilo, ne cishininkisho ni
ici: Umwana wa kwa Lesa wine
apitile mu mulilo, ilyo ali pa
lupanda, ukuti ifwe twikafikako.*

40 IMFUMU YA SHAMFUMU IKAKAKA SATANA NA PA NUMA IKAMONAUULA

Kabili namwene malaika ale-
ika mu mūlu ali no lufungulo
lwa cilindi ca ku Mbo no munyo-
lolo ukalamba mu minwe yakwe.
Wene aikete iciṇwena, icisoka ci-
kote (e Kasēbanya kabili Satana),
no kucikaka imyaka ikana limo,
no kucipōsa mu cilindi ca ku
Mbo, no kwisalako no kukakati-
kapo pa mūlu wa ciko, ukuti cī-
lufya kabili inko ikasuke aifishi-
wapo imyaka ikana limo: pa nu-
ma ya ifi ali no kukakulwa inshi-
ta inono. — Ukusokolola 20.1-3

Ukusokolola 20.7 na 10

Kabili ilyo ikapwe myaka ika-
na limo, Satana akakakulwa mu

cifungo cakwe. . . Na Kasēbanya
uwalebalufya apōselwe muli be-
mba wa mulilo kabili wa libwe
lya mingi, umuli ne ciswango na
kasesema wa bufi, ku kulungulu-
lwa akasuba no bushiku umuya-
yaya umuyayaya.

*Ukucimfya Satana ukwapwililika
kabili ukwa pe na pe*

AbaHebere 2.14

E ico apo abana bakumako ku
buntunse bwa mulopa no mubili,
no mwine ifyo fine akumisheko
ku buntunse bwabo, ukuti mu
kufwa afubalishe uukwete amaka
ya mfwa (uyo ni Kasēbanya).

SALENI NOMBA UO MULI NO KULABOMBELA PE 41

Takuli uwingabombela bashi-kulu wakwe babili; pantu kuti apata umo no kutemwo mubiye, napamo kuti abisha umo no kusũlo mubiye. Te kuti mubombele Lesa na Mamone. — Mateo 6.24

Bushe mulekonka Satana ku mulilo nangu Imfumu ya sha-Mfumu ku cipuna cakwe ica bufumu umuyayaya?

Ku kuleka bapilibuke ku mfifi balole mu lubũto, bapilibuke na ku maka ya kwa Satana balole kuli Lesa, ku kuyamono kulekelwe membu shabo na 'pa kwikala mu bashishiwa ku kutetekela kwa kuli ine. —Imilimo 26.18

Lelo bakũwe, na 'bashitetekela, na 'baselausha, na 'ba misoka, na 'ba bulalelale, ne ndoshi, na 'bapepo tulubi, na 'ba bufi bonse, ubwikalo bwabo bakabumona muli bemba uulepya ku mulilo ne libwe lya minga; iyi ni mfwa ya cibili. —Ukusokolola 21.8

Yesu alibaaswike, ati, Nde-mwebe cine cine, nati, umuntu onse uucito lubembu musha (wa lubembu). Lelo umusha tekalilila mu nanda pe; umwana e wikalilila pe. E ico ngo Mwana amulenga abantungwa, mukaba abantungwa cine cine.

—Yohane 8.34-36

42 AMENSHI YA MWELO YALEPONGOLOKA PA NKASA SHANDI

Yesu alyaswike, atile kuli wene, Awishibe ca bupe ca kwa Lesa, no uleti kuli iwe, Mpēlako nwe, nga wamulomba, na o nga akupēla amenshi ya mweo.

—Yohane 4.10

Na mu bushiku bwa kupelelekesha, ubushiku bukalamba bwa mutebeto, Yesu aliiminine, abilikishe, ati, Ngo muntu aumfwe cilaka, ese kuli ine, anwe.

—Yohane 7.37

Ico Umwana wa mpānga uuli pa kati ka cipuna ca bufumu akabacema, no kubatungulula baye pa tumfukumfuku twa menshi

ya mweo; kabili Lesa akafūte filamba fyonse ku menso yabo.

—Ukusokolola 7.17

Kabili anangile umulonga wa menshi ya Mweo, ayabengeshima nga krustali, yalefuma mu cipuna ca bufumu ca kwa Lesa ne ca Mwana wa mpānga, yalepita mu kati ka musebo wa Musinga; ubushilya buno bwa mulonga no bushilya bulya kwali umuti wa Mweo, uutwale fisabo fya misango ikumi na ibili, umweshi uyu umusango wa uko no mweshi uyu umusango wa uko; na 'mabūla ya muti yabela ku kuposhe nko. —Ukusokolola 22.1-3

Lelo mubale mufwaye ubufumu bwa kwa Lesa no bulungami bwakwe, ne fi fyonse fikalundwako kuli imwe. — Mateo 6.33

Amalango 4.29

Lelo no ko kwine nga mwa-fwaya Yehoba Lesa wenu, kuti mwamusanga, nga mwamufwaya ne mitima yenu yonse kabili no kutemwa kwenu konse.

Amapinda 8.17

Ine, abantemwa nalibatemwa, kabili abamfwaya bwangu balansanga.

Luka 11.9

Na ine ndetila kuli imwe, Lombeni, cikapēlwa kuli imwe, fwa-

yeni, mukasanga; kunkunsheni, cikeswilwa kuli imwe.

Hosea 10.12

Itandileni ubulungami, lobololeni umwabelo luse lwa kwa Lesa; itukulwileni icituku, apo ni nshita ya kufwaya Yehoba, ese no kulengo bulungami ukuloka pali imwe.

Esaya 55.6

Fwayeni Yehoba ilyo engasangwa, mulilileni ilyo ali mupepi.

Amalumbo 86.12

Ndemutōtela, mwe Shikulu Lesa wandi, no mutima wandi onse, kabili nakulacindike shina lyenu umuyayaya.

UMULALILO WA CUPO — KRISTU AKWATA NABWINGA

**Ukusokolola 21.9b-11a
na 22-23**

. . . Isa kuno, ndekulanga Nabwinga, umukashi wa Mwana wa mpānga. Awe ansendele ndi mu Mupashi, antwele ku lupili lukalamba, ulwasansama, anangile Umusumba wa mushilo, Yerusalemu, uleika mu mūlu kuli Lesa, naukwato bukata bwa kwa Lesa. . . Kabili nshamwenemo itempele; pantu Shikulu Lesa, no Mwana wa mpānga, e tempele lya uko. Kabili Umusumba taukabila kasuba nangu mweshi ukuti fibalikilepo; pantu ubukata bwa kwa Lesa bwali-

ubūtusha, ne nyali ya uko Mwana wa mpānga.

Ukusokolola 19.6b-9

. . . Aleluya: ico Shikulu Lesa wesu wa maka yonse ateka. Tusekelele no kwanga, tupēle no mucinshi kuli wene: ico bwishile ubwinga bwa Mwana wa mpānga, no mukashi wakwe naipékanya; kabili umukashi apēlwe ukufwale sha kolokondwe ishabēka ishawama (pantu isha kolokondwe milimo iyalungama ya ba mushilo). E lyo atile kuli ine, Lemba, auti, Balishuka abalālirwa ukwisa ku mulalilo wa bwilinga bwa Mwana wa mpānga.

NABWINGA WA KWA KRISTU WA MUSANGO NSHI? 45

Abalenakila Lesa

... Lelo muitũle kuli Lesa nga
'ba mweo abafuma ku bafwa....
— Roma 6.13b

Abatemwa Shibwinga

Ukusenamina kube kuli bonse
abatemwa Shikulwifwe Yesu Kri-
stu ukutemwa ukushifwa.
— Efese 6.24

Abaisulamo amaka ya kwa Lesa

Uwaba shimapepo ku maka ya
mweo uushingonaika, te ku ma-
lango ya cipope ca buntunse.
— AbaHebere 7.16

Abali ne senge nankwe

Pantu tuli filundwa fya Mubi-
li wakwe.
— Efese 5.30

... Ukuti muli ifyo e mo mu-
fulumukile ukufuma mu kubola
kwa mu lunkumbwa ululi pano
isonde.
— 2 Petro 1.4b

Lelo uyo abake cebo cakwe,
cine cine muli wene ukutemwa
Lesa nakufishiwapo. ...
— 1 Yohane 2.5a

Ababula akalema

E ico, mwe batemwikwa, apo
mulolele fintu ifi, cincileni ukuti
mukasangwe ababula akabi ka-
bili ababula akalema mu mute-
nde.
— 2 Petro 3.14

... Cetekeleni ukusenamina u-
kukaletwa kuli imwe mu kuso-
kololwa kwa kwa Yesu Kristu.
— 1 Petro 1.13b

IMFUMU YATALALIKA UBUSANGU UBUKAKUMANA IFYALO FYONSE

Ukusokolola 17.14; 18.21

Ishi shikalwa no Mwana wa mpānga, no Mwana wa mpānga akashicimfya ico e Shikulu wa bashikulu, kabili Imfumu ya shamfumu; na 'bali pamo nankwe bantu abaitwa, kabili abasalwa, kabili aba cishinka.

Kabili malaika uwakosa abū-lile ilibwe nge mpelo nkalamba, no kuifubula muli bembā, ati, E fyo umusumba ukalamba, Babelē, ukafubulwa pa nshi fubu, no kumoneka kabili nakalya.

2 Tesalonika 2.8

E lyo Umupulumushi ulya akasokololwa, untu Shikulu Yesu

akonaula ku mupu wa mu kanwa kakwe, no kumusangule ca fye ku kumoneka kwa kwisa kwakwe.

Sekaria 14.12

Kabili ici cikabe cikuko ico Yehoba akapuminako abantu na 'bantu bonse abalwa na Yerusalemu; imibili yabo ikabola apo beminine ku makasa yabo, amenso yabo yakabola mu fifokolobwa fya yako, ne ndimi shabo shikabola mu tunwa twabo.

1 Korinti 15.24

E pakonke mpela, ilyo akalubwilo bufumu kuli Lesa Wishi, ilyo akafubalisha bumulopwe bonse no lupaka lonse na 'maka.

UBUTEKO BWA MUTENDE UBWA MYAKA IKANA LIMO (1000)

47

Ubufumu bwenu bwise. Uku-
fwaya kwenu kucitwe pano nse
nga mu mūlu. — Mateo 6.10

Balishuka abafūka; pantu ba-
kakwate calo. — Mateo 5.5

. . . Ubufumu bwa pe sonde
bwaisabo bwa kwa Shikulwifwe,
no bwa kwa Kristu wakwe, na
o akulabe Mfumu umuyayaya
umuyayaya.

— Ukusokolola 11.15b

. . . Namwene ne mitima ya
baputwilwe imitwe pa mulandu
wa kushimika Yesu ubunte, na
pa mulandu wa cebo ca kwa Le-

sa . . . kabili bali no mweo, bate-
kele pamo na Kristu imyaka ika-
na limo. — Ukusokolola 20.4b

. . . Ico mwaipaiwe, kabili
mwashitile Lesa mu mulopa we-
nu aba mu mikowa yonse na 'ba
ndimi, na 'bantu na 'bantu, na
'ba nko. — Ukusokolola 5.9b, 10

Alishuka kabili wa mushilo u-
ukwete icakaniko mu kubūka
kwa ntanshi; pali abo imfwa ya
cibili taikwete amaka, lelo baka-
ba bashima pepo ba kwa Lesa ka-
bili ba kwa Kristu, kabili bakate-
ka pamo nankwe imyaka ikana
limo. — Ukusokolola 20.6

Amalumbo 145.1

Ndemutonda, mwe Lesa wandi, mwe Mfumu, ndecindika ne shina lyenu umuyayaya umuyayaya.

Yohane 17.24a

Mwe Tata, ndefwayo kuti abo mwampēla tukabe na bo uko ndi, ukuti bamone ubukata bwandi ubo mwampēla. . . .

1 Tesalonika 4.16c, 17

. . . Na 'bafwila muli Kristu bakabalilapo ukubūka; e lyo ifwe fwe ba mweo, fwe bashalapo, tukolwilwa na bo capamo mu makumbi ku kukumanya Shikulu mu lwelele; kabili e fyo tukaba pe pamo na Shikulu.

Ukusokolola 21.3b, 4

. . . Moneni, ubwikalo bwa kwa Lesa buli pamo na 'bantu, kabili akekalilila pamo na bo; na bo bakaba abantu bakwe, na Lesa umwine akaba pamo na bo: kabili akafūte filamba fyonse ku menso yabo, ne mfwa tayakabeko kabili iyo; takwakabe kabili ukulōsha nangu kukūta nangu kucululuka; pa kuti ifya ntanshi nafiya.

No bushiku tabwakabeko kabili iyo; tabalekabila ne cengelo ca nyali, nangu ca kasuba, ico Shikulu Lesa akalababalikila; kabili bakalateka umuyayaya umuyayaya. — Ukusokolola 22.5

KRISTU ATILA

“Uwacimfya, akamupēlo kwikala na ine pa cipuna candi
ca bufumu, ifyo na inc nacimfishe, no kwikala pamo na Tata
pa cipuna cakwe ca bufumu.” —Ukusokolola 3:21



Atotelwe Lesa,
Uwatupele Umwana wakwe,
‘Bupe pa bupe bwa kucilako
Atotelwe Lesa.

Atupele Mwane,
Ici e catufumisho mwenso,
Ici e catulesho bulanda,
Atupele Mwane.

E bwanshisho bwesu,
Pantu Wa maka e watwanshishe,
Atulwilile, atucimfishe,
E bwanshisho bwesu.

Text reprinted from the Bible in Bemba by permission of United Bible Societies Africa Regional Centre, Nairobi, Kenya.

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**

World Missionary Press
PO Box 120
New Paris, IN 46553-0120 USA
www.wmpress.org

12-24



Read booklets online or by App
www.wmp-readonline.org

514 Bemba WAI